



Број: 01/4-50-3-4-29/16
Сарајево, 30.8.2016.

Z A P I S N I K

29. sjednice Komisije za finansije i budžet Predstavničkog doma Parlamentarne skupštine BiH, održane 29.8.2016., od 10 do 11,10 sati.

Sjednici Komisije prisustvovali su članovi: Predrag Kožul, Salko Sokolović, Nenad Lalić, Aleksandra Pandurević, Amir Fazlić, Dušanka Majkić, Damir Bećirović i Mirsad Isaković

Opravdano je odsustvovao Jasmin Emrić.

Sjednici su, također, prisustvovali: Vjekoslav Bevanda, ministar, Sanja Jokić, sekretarka, Momo Živković, savjetnik ministra, Zakira Muratović, pomoćnica ministra, i Hidajeta Halilkanović, stručna savjetnica u Ministarstvu finansija i trezora BiH, Maja Ribar, politička savjetnica, Adnan Muminović, ekonomski referent u EUSR BiH, Elma Muratović i Karlo Holub, saradnici Projekta USAID-SGIP, Nejra Neimarlija-Roić, saradnica Instituta za razvoj mladih KULT, Zoran Brkić, viši stručni saradnik u Odjelu za informiranje Sektora za odnose s javnošću Sekretarijata PSBiH, Ana Marković, Vladan Veljić i Jasmin Jarebica, volonteri u Sekretarijatu PSBiH, Vlade Srdanović, stručni saradnik, te Željko Kosmajac, sekretar Komisije.

Sjednici su prisustvovali i predstavnici medija Snežana Samardžija, novinarka SRNA-e, Hana Imamović, novinarka FENA-e, Amina Nuhanović, novinarka Dnevnog avaza, Amra Kardović, novinarka TV Alfa, Željka Domazet, novinarka Glasa Srpske, Dragana Knežević, novinarka RTRS-a, Senka Jašarspahić, novinarka BH Radija1, i Mirsada Lingo-Demirović, novinarka Nezavisnih novina.

Sjednicom je predsjedavao Predrag Kožul, predsjedavajući Komisije.

Za sjednicu je predložen sljedeći:

DNEVNI RED

1. Usvajanje Zapisnika 28. sjednice Komisije;
2. Razmatranje Prijedloga zakona o izmjenama i dopunama Zakona o zaduživanju, dugu i garancijama Bosne i Hercegovine – druga komisijska faza (predlagač: Vijeće ministara BiH);
3. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH);

4. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini – prva komisijska faza (predlagač: Vijeće ministara BiH);
5. Razmatranje Prijedloga zakona o izmjenama i dopuni Zakona o uplatama na jedinstveni račun i raspodjeli prihoda – prva komisijska faza (predlagač: Vijeće ministara BiH).

Predloženi dnevni red usvojen je jednoglasno.

Ad.1. Usvajanje Zapisnika 28. sjednice Komisije

Zapisnik 28. sjednice Komisije usvojen je jednoglasno.

Ad.2. Razmatranje Prijedloga zakona o izmjenama i dopunama Zakona o zaduživanju, dugu i garancijama Bosne i Hercegovine – druga komisijska faza (predlagač: Vijeće ministara BiH)

Ministar finansija i trezora BiH Vjekoslav Bevanda obrazložio je Prijedlog zakona o izmjenama i dopunama Zakona o zaduživanju, dugu i garancijama Bosne i Hercegovine.

Također, Hidajeta Halilkanović, stručna savjetnica u Ministarstvu finansija i trezora BiH obavijestila je članove komisije o tehničkoj grešci u tekstu Prijedloga zakona o zaduživanju, dugu i garancijama Bosne i Hercegovine.

Potom je predsjedavajući otvorio raspravu u kojoj su učestvovali: Dušanka Majkić, Predrag Kožul i Vjekoslav Bevanda, ministar finansija i trezora BiH.

Nakon rasprave, Komisija je na prijedlog predsjedavajućeg Komisije Predraga Kožula većinom glasova usvojila amandman, koji je postao sastavni dio teksta Prijedloga zakona, a koji glasi:

Amandman I.

U Prijedlogu zakona o izmjenama i dopunama Zakona o zaduživanju, dugu i garancijama Bosne i Hercegovine u članu 1. stav 2., kojim se mijenja tačka 31) Zakona, mijenja se i glasi:

„U tački 31) riječi: „je Ministarstvo“ zamjenjuju se riječima „su entitetska ministarstva finansija“.

Potom je Komisija, sa šest glasova „za“, jednim glasom „protiv“ i jednim „suzdržanim“ glasom, prihvatila Prijedlog zakona o izmjenama i dopunama Zakona o zaduživanju, dugu i garancijama sa usvojenim amandmanom u drugoj komisijskoj fazi.

Ad.3. Razmatranje Prijedloga zakona o izmjenama i dopunama Zakona o akcizama u Bosni i Hercegovini – prva komisijska faza (predlagač: Vijeće ministara BiH)

Ad.4. Razmatranje Prijedloga zakona o izmjeni Zakona o sistemu indirektnog oporezivanja u Bosni i Hercegovini – prva komisijska faza (predlagač: Vijeće ministara BiH)

Ad.5. Razmatranje Prijedloga zakona o izmjenama i dopuni Zakona o uplatama na jedinstveni račun i raspodjeli prihoda – prva komisijska faza (predlagač: Vijeće ministara BiH)

Na prijedlog predsjedavajućeg, Komisija je jednoglasno objedinila raspravu o tačkama 3., 4. i 5. dnevnog reda 29. sjednice Komisije za finansije i budžet Predstavničkog doma PSBiH.

Ministar finansija i trezora BiH Vjekoslav Bevanda obrazložio je Prijedlog zakona o izmjenama i dopunama Zakona o akcizama u Bosni i Hercegovini, Prijedlog zakona o izmjeni Zakona o sistemu indirektnog oporezivanja u Bosni i Hercegovini i Prijedlog zakona o izmjenama i dopuni Zakona o uplatama na jedinstveni račun i raspodjeli prihoda.

Potom je predsjedavajući Komisije otvorio raspravu u kojoj su učestvovali: Aleksandra Pandurević, Dušanka Majkić, Predrag Kožul, Damir Bećirović, Salko Sokolović, Amir Fazlić i Vjekoslav Bevanda, ministar finansija i trezora BiH.

Nakon rasprave, Komisija je jednoglasno usvojila sljedeće zaključke:

- 1) “Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjenama i dopunama Zakona o akcizama u Bosni i Hercegovini u prvoj komisijskoj fazi i ponovo traži od Upravnog odbora Uprave za indirektno oporezivanje BiH da u najkraćem roku dostavi mišljenje o Prijedlogu zakona.”
- 2) “Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjeni Zakona o sistemu indirektnog oporezivanja u Bosni i Hercegovini u prvoj komisijskoj fazi i ponovo traži od Upravnog odbora Uprave za indirektno oporezivanje BiH da u najkraćem roku dostavi mišljenje o Prijedlogu zakona.”
- 3) “Komisija za finansije i budžet Predstavničkog doma Parlamentarne skupštine BiH odgađa izjašnjavanje o Prijedlogu zakona o izmjenama i dopuni Zakona o uplatama na jedinstveni račun i raspodjeli prihoda u prvoj komisijskoj fazi i ponovo traži od Upravnog odbora Uprave za indirektno oporezivanje BiH da u najkraćem roku dostavi mišljenje o Prijedlogu zakona.”

Ad.6. Tekuća pitanja

Sekretar Komisije za finansije i budžet Predstavničkog doma PSBiH obavijestio je članove Komisije kako je potrebno da Komisija ovlasti sekretara da kontaktira Ured za reviziju institucija BiH kako bi u skladu s utvrđenom praksom dostavili Komisiji određene informacije s ciljem pripreme za razmatranje izvještaja o finansijskoj reviziji institucija BiH za 2015. godinu. Potom su članovi Komisije ovlastili sekretara da dalje postupi u skladu s procedurom.

Također, članovi Komisije su se usaglasili da Ured sekretara putem elektronske pošte dostavi plan razmatranja Izvještaja revizije o finansijskom poslovanju institucija BiH za 2015. godinu.

Sekretar Komisije

Željko Kosmajac

Predsjedavajući Komisije

Predrag Kožul